



391979  
391988

Mag. St. Dr.

III





2529 m.s.J.

~~S.~~


4

. 195.




1043











# DOMUS

Fortunæ & Honoris

In aviti Luminis Decus

Clarissimis, Polo Poloniæ

Orisq; Orbis Nominibus

ILLUSTRISSIMO EXCELLENTISSIMO DOMINO

DOMINO Comiti in Czekarzowice & Tęczyn.

## CAROLO

## TARŁO

391987

III

Steżycensi &c. CAPITANEO, S. R. M.  
& Reipublicæ Colonello.

ac

ILLUSTRISSIMÆ

## JOSEPHÆ GRABINSKA

## CASTELLANIDI SANOCENSI

Sponsalitio nexu obligatis

Voto Artifice.

## ERECTA

Oratorijs Luminibus

Collegij Ressoviensis Scholarum Piarum

## IRRADIATA

Anno quo Lumen de Lumine Domum Virginalis

Uteri luce replevit indefessa

1739 Mense Januario.

SANDOMIRIÆ Typis Collegii Soc: JESU.



IN AVITA.

ILLUSTRISSIMORUM NEOSPONSORUM

DECORA



1.  
Asurgunt Capitis, Grabinscia Nomina Sensu,  
Ex illo Lechicus, Dogmata Confus habet,  
Ascia Tartorum Column Superextruit? Ergo,  
Non ruit in præceps, Patria firma Lechi,

2.  
Funera non Capiti, Crudelia Fata minentur,  
Ascia Tartorum Fata ferire valet,

3.  
Dædala sint quamvis frangit mōnumenta Vetustas,  
Ascia, quam Condit, non Domus illa ruit,



ILLUSTRISSIMI  
<sup>Ac</sup>  
EXCELLENTISSIMI  
NEOSPONSI.



Ucusq; Artifex Eloquentia,  
privatò contenta habitacu-  
lò, circa efformandos com-  
ptos, & idoneos, è nondum  
dedolato ligno laboravit &  
desudavit Mercurios, qui  
integritatem Patriæ, immunitatem Liberta-  
tis, Majestatis securitatem, Ordinum inde-  
) 2 ( mnita-



mnitatem benè explorato, eloquij, Consili-  
orum, ac rationum artificio, in solido tan-  
dem possint duraturæ felicitatis stabilire  
fundamento, hodiè in publicum tendit, so-  
lenneq; Magnificum, ac Majestuosum ac-  
greditur opus, & illud sollicito tractandum  
assumit labore, Domum inquam Fortunæ  
& Honoris, probato Artifice voto amplissi-  
mis TARŁONUM & GRABINSCIO-  
RUM Nominibus erigendam. JLLU-  
STRISSIMI NEOSPONSI. Hucusq; Ora-  
torijs Luminibus, in umbris Religiosæ mo-  
destiæ hæere placuit, nec frivola (ut mul-  
tis consentaneum) per immaturas laudes in-  
clarefcere visum luce, placuit Scholasticas  
noctuas transformare in Aquilas, quæ ad  
Phæbi scientifici probatæ & exploratæ ra-  
dios, ad Soles Regnorum directæ non cæ-  
cutiant, hodie tandem postquam triumphæ-  
les, benè ordinati Hymenæi acceduntur  
thædæ, postquam Avita GRABINSCIO-  
RUM LUMINARIA in Polo Poloniæ &  
per Oras Orbis clarissima in Domo TAR-  
ŁOVIANA, Domo Fortunæ & Honoris  
resplendere, imo Advitalitio horoscopari  
incipiunt Lumine, procul usitatam remo-  
vent caliginem; non ideo tamen, ut Nobi-  
lissima Luminaria alienam emendicare o-  
stendant lucem, cum utraq; Domus Cælum  
luminum sit, origo Familiarum astra tangat,  
prima



prima aurora sole illustrior primus furcu-  
lus Cælo vicinus, primus latex Archi-Pela-  
gus, verum ut diem Honoris & indeficien-  
tis importent felicitatis, seu veriùs ut in Ve-  
stro candicent obsequio, ut lucidissimas to-  
to Orbe TARLONUM & GRABINSCI-  
ORUM Ceras præfulgidos magni ad invi-  
cem animi splendores, quo possint styli ar-  
dore accendant. Is nempe Calasantinæ  
mentis fervor est, ut nunquam in TAR-  
LONUM torpeat Elogia, illa obligatæ Re-  
ligionis sollicitudo, ut tantis Victoribus so-  
lidet triumphos, fabricet plaulus, erigat  
Encomia, ille Scholarum Piarum Zelus ut  
emerito Honori studeant indefessè promo-  
vendo, doceant Orbem palamq; de sublimi-  
ori suggestu cunctis explicent, crimen esse  
nefandum, gloriosissimos TARLONUM  
actus, Publicas in Ministeria Regni & Sena-  
tûs Curules, inâugurationes, indefessos pro  
DEO, & Religione conatus, exantlatos pro  
Patria, & Libertate labores, depresso com-  
primere, & præterire silentio, cum Orbis ne-  
cesse sciat quid & quanti sint TARLONES.  
Agit itaq; pro munere suo Orator utinam  
pro Vestro Honore JLLUSTRISSIMI  
NEOSPONSI sufficienter. Eluctatur in  
Laudem Sociatorum Numinum & Nomi-  
num Elogiastes Penna, utinam pro Vobis  
competenter. Pondus enim Meritorum Ve-



strorum timorem eidem incutit. Elicit non jam atratam nigredinem, verum sudoris guttas de frontis mari Panegyrista calamus, ut TARLONES & GRABINSCIOS, uniones ad Coronas Regum concordēs afferat, utinam adæquatè; immensum enim Meritorum metiri tentare Oceanum ausus est, & periculum, & tentata non adæquare propudiosum. Demum manum admovent operi præconcepto, ut ex inregro perfectum efficiat, quod antequam Vestris sese JLLUSTRISSIMI NEOSPONSI insinuabit obtutibus, fabricata prius palpate vota. Sicut in circumscriptis unquam in circulo Æternæ suæ Sapientiæ Conceptibus, Ter Optimus Maximus provisè disposuit, & ordinavit, ut duo distinctorum corda, eodem indiviso mutux charitatis sociarentur, & unirentur nexu, idem Donorum Dator in seras ætates innumera multiplicet solatia, ita Vobis voto Panegyristæ.

JLLUSTRISSIMI NEOSPONSI

*Obligatum Scholarum Piarum Collegium  
Ressoviense precatur.*

PANE-





# PANEGYRICUS.



Acessite, superbo tumere apparatu  
Commentitijs Pòetarum assertis,  
commendata Martis cum Bellona,  
Phæbi cum Cynthia, sponsalitia.  
Desinite fastuosi Romanorum an-  
nales, Augustam jactare Pompam,  
in Liviæ cum Augusto, Serenæ cum  
Honorio, celebratam Connubijs,  
non ità menti Vestræ faventem & ex toto addictam cre-  
dimus Fortunam, ut se totam amico sociasset nexui, ac  
perenni obligasset fædere; cum hæc etiam minorum in-  
star siderum, ad motum primi movetur moventis; & vel  
illis maximè gratioso favet influxu, quibus etiam Numi-  
na favent. Desinite ergo inani commendari fastu, oppo-  
nit se, Majestati Hymenæi Vestri, longè Magnificentius,  
in magnitudine Nominis immensum, in claritate *ILLU-  
STRISSIMARUM PROSAPIARUM* splendidissimum, in  
Honorum amplitudine Celsissimum, in Meritorum plu-  
ralitate vix comprehensibile; & quod maximum, in favo-  
re immortalium Deorum à Vobis distinctum, Par Cælo  
amicum *ILLUSTRISSIMI NEOSPONSI CAROLUS &  
JOSEPHA*. Par congruentissimo junctum fædere, quia  
per Dilectum Dijs, Idæam CHRISTI, paranympum



Franciscum Seraphicum compositō, quia Principe Pacis in terras descendente, & ad vitalitios contractus & tractatus, æternū duraturos subscribente. Felix & ter beata compositorum unio, ad quam stabiliendam unio concurrat Hypostatica. Glorientur amænissima multorum Hilaria, plurimos faustissimis successibus, composita Societate repleti annos; *CAROLO & JOSEPHÆ*, non vano omine fortunatissima Artifex votum figurat & erigit sæcula, cum Thesaurum Cæli, & terræ, in tempore, humano concreditum generi, videat se recipere in Domum Fortunæ & Honoris JLLUSTRISSIMI; ac Domum Luminum & Decoris ILLUSTRISSIMÆ SOCIÆ VITÆ. Descendit Hospes gratissimus, ut ex favore summo Pontificali *CAROLO & JOSEPHÆ* benedicat. Plura dico, Sol Mysticus in Orbis Polo, & Poloniæ exortus, ad pellendam tetram caliginem, quā miserum genus humanum afficitur, honoratis à tanto sæculorum tractu Nominibus, plenioris Fastigij perfectum accendit meridiem, tantæq; Hymenæi Luci, Lucem addit Nobilissimam. Non hic fæderatus adversæ fortis exercitus bella intonet, non invidus in fortunatissimum Connubium arma provocet orcus, ac fædera Pacis mutæ dirumpere tentet, Militia Cælestis Regem sæculorum comitata præstō adest, ut hostes infensos procul abigat conteratq;. Plaudite JLLUSTRISSIMI NEOSPONSI, nexui mutuo nihil non faustum, nihil non fortunatum fæderatur. Exordia Novi Anni, quibus novam vivere inchoatis vitam, quid sperare & polliceri jubent? nisi quod unus altero fluet secundior annus, eousq; donec ad canitiem perfectissimam ILLUSTRISSIMI NEOSPONSI veniatis, polliceri & sperare jubent, quòd felicissimo ad mentem recurso, exoptata novis decurrent tempora votis, donec gravati senio portum æternitatis attingatis, polliceri jubent, & annorum successivè venientium Coronæ, & Maritali Vestræ benedictionem ab Authore benedictionum impertiendam. Plerumq; Maritales amaritudine replentur Anni; ast Vobis vanum expavescere, cum Nomen Mellifluum ac suavissimum



num JESU, vitæ Vestræ mōmenta dulcorabit. Mentita  
olim fabulosa Poëtarum antiquitas, omne principium de-  
bere consecrari Jano, superstitiosè tempora Annorum  
initianti, quasi hæc principia felici coronarentur fine, vel  
quod ab hoc abominabili deastro, omnis prosperitas re-  
rum dimanasset. Verius & sanctius ( id enim ut salubre  
ratio dicat, ad id ut proficuum fides obligat ) devota  
observat Christianitas, ad initia Novi Anni Datori tem-  
porum, momenta, horas & tempora, dies & menses,  
Annos & sæcula, omnemq; rerum processum victiman-  
do, tutiori innixa spe futuri successus & beatitudinis. Or-  
dimini à Novo Anno, sub auspicijs Regis sæculorum,  
svavissimum Connubium Par Cælo amicum, & jam beata  
Vobis ab Alto Fortuna pendet, quam Cælo missam cre-  
dite, Purpuratus famulatur Honor, quem infantiles fa-  
sciæ DEI Hominis evolvunt, jam Oriens gloriæ absq;  
occasû, dies fortunatus absq; subsequente nocte illuce-  
scit, rerumq; successus, & quid quid Votis Vestris pla-  
cet, se devovent Sanctiore Jano sic disponente. Pandi-  
tur sacratior templô detestabilis delubri, Porta Jubilæi, ut  
Domini ingressi Domum, pacificè compositos sponsaliti-  
os ratificantes tractatus, illam mereamini indulgentiam,  
quæ ad nunquàm desiderijs expectatis claudendam suffra-  
getur. Dies Matrimonialis benedictionis ab æterno in Matrē  
Altissimi Jovis electæ, Diviniori Minervæ dicata ( damno  
superstitiosum Ægypti ausum die præfata ) Annorum com-  
ponet seriem, tempore indefinentis lætitiæ distinctam;  
imò ad optatam computabitur æternitatem. Nec puncto  
deest menti Vestræ verbum mentis JLLUSTRISSIMI  
NEOSPONSI. Ipsa Curia Cælestis, svaviori resonat Ju-  
bilo, Angelici concentus, & Symphonia auditur, ut eti-  
am Cælis sit notum, arcano quodam Superum Consilio,  
CAROLUM & JOSEPHAM esse desponsatos, ut sciat  
tellus Cælos TARLONIBUS & GRABINSCIIS esse  
obligatos.

Ita sanè; etiam recto adversans, justo repugnans,  
publico fateare necesse labio, perversorum malitia, illis

C

favere



favere Numina, qui ab eorundem cultu, Religione & reverentia nunquam recesserunt, illos tueri, qui non deferunt charam sibi Patriam in Fide Orthodoxa ampliatam, illis ditissimum Cælorum concedere Thesaurum, seu continuo gratiarum exundare amant influxu, qui liberalitate feruntur in egentes. Verbô, non parcum in dona Cælum, si non contractam pro benefaciendo manum apprehendunt, redamant amantes, honorantes honorant, nihilq; sibi præstari patiuntur, quod non ipsa etiam rependant æternitate. Et hinc vastissimus JLLUSTRISSIMÆ DOMUS TARLOVIANÆ laudum panditur Oceanus. Imensus quidem est, metiendus tamen sudoris Oratorij profluvio committitur. Profunda Oceani metiri, labor non extra periculum, amicus tamen. Alta petere montium, difficile quidem est, sed gloriosum. Achilleum necesse animum, qui Alpium duritiem tentat emolli. Assurgit tamen in spes meliores animus, & non hebeti acumine ab Ascia gentilitia instruitur, quæ magnificentissimum DOMUS suæ non cessat architectari Augustale. Involemus Polonæ Aquilæ nidum, an non illâ stetit? descendamus in Martialem Lechiadum Campum, an non illâ excultus? & ampliat. In Originativa Sarmatiæ structura Conditori Lecho Ascia fuit adjumento. Adoret principij sui Authorem Sarmatia Lechum, sed pro consummatione STARZONUM Bipenni immortalem referat gratitudinem. Utiq; hoc Nobilissimum insigne, achæ-næum fabricavit fulcrum, quô post fatalem Lechi exitum, jam jam ruitura fulciretur Patria, supremo inquam inter duodenos Palatinos DICTATORE TOPOREO, qui postquam ad summum Palatinatûs venit Fastigium, ita gloriosissimis eminebat factis, ut fastos excessisset, tota æternitate notandus, sed à posteritate adorandus. Ille est, quô Maximus Otto, non postrema est magnæ stirpis gloria, Avitæ splendor Ascia, Purpuratorum Civium Parens, TARLOVIANÆ Profapiæ Præcursor gloriosissimus. Succedunt palmari via in Bona SZCZEKARZOWICE TARLONES Successores, præmissis tot adorandis.



&  
de-  
am,  
feu  
ra-  
ona  
ap-  
nt,  
re-  
SI-  
ce,  
ris  
ti-  
oe-  
il-  
ol-  
ne-  
fi-  
u-  
ce-  
an  
ia  
et  
n-  
e-  
æ-  
i-  
m  
O,  
n,  
ta  
ft,  
o-  
a-  
fi-  
O-  
a-

dis de XIEZNE PREGINIA PANIGRODZ Comitibus,  
à quorum non recedere Encomio consentaneum foret, ni  
metueret Orator per Labyrinthum gloriæ incedens, de-  
viare. Quærat curiosus indagator vel ignarus Originis  
TARLOVIANÆ Domus rei veritatem, & facile captū  
excedentes Tomos reperiet, & si segnis à labore; audi-  
at. TARLONES Cives erant Poloniae, antequam Polo-  
nia fuerat, Patres Reipublicæ antequam illa nasceretur.  
Veneranda & reverenda Domus JLLUSTRISSIMI NEO-  
SPONSI Canities, Lechiam vidit vagientem, & Puerum  
adhuc se meminit Honor, cum jam ejus aspexisset rugas.  
Diceremus Originem TARLOVIANAM Codro anti-  
quiorem, vel simul capisse, quando chaos & Saturnia tem-  
pora, Gygantum Fratres, Cæli Filios appellaremus, nisi  
quòd illa incerta vel incredibilia, hæc fabulosa; & à Do-  
mo veritatis procul absit, aliquid admittere fabulosum.  
Plusquam sexcentos originis Vestræ numeramus Annos,  
& adhuc incusamus tempora, quamvis enim ante tot sæ-  
cula surrexistis, serò tamen, quia incunabula solis mere-  
bimini. Sed magnos partus sæcula gignunt.

Non omnibus æquè Fortuna plaudit, non statim  
famulatur Honor, diu laborandum, antequam Purpura  
vestiat humeros, rara Domus quæ coronatos pariat ver-  
tices; cum TARLONIBUS eodem partu evolutus Ho-  
nor, iisdem obligatus fascijs, eodem ablactatus ubere si-  
mul crevit, hucusq; maturescit, & adusq; senium Mundi  
perennabit. Utiq; à prima TARLOVIANÆ Originis  
planta, nullæ sellæ nisi curules, nulli cultus nisi Trabeæ,  
Viri nisi Purpurati Patres, & Domus tota Senatus, Caput  
quodlibet, dignitatum apex, lingua oraculum, humeri ad  
Purpuras, manus ad Scipiones, digiti ad Annulos: *Non  
novit mutare vices sed fixus in omnes cognatos procedit Ho-  
nor*, ab ipso Magnorum commendatos initio, ità ut sine  
assentatione dicere ausim, tam illustri Pompa vix Phæni-  
cem nasci Sole Parente vidimus, plausu tanto vix The-  
bas surrexisse. Surgunt de Mortuali busto, Fatali Libitinæ  
depressi casu, qui Orbe olim eminuerunt ad Decus TAR-



LOVIANI Nominis, ut videantur, & in hac emineant pagina, Infulati Vertices LEOPOLIENSIS ARCHIEPISCOPI, PREMISLIENSIS POSNANIENSES EPISCOPI. Destinabantur Tyaris, antequam Tyaras gererent, hinc natura inde Virtus decora sua congeffit in illos, unde patet additam esse dignitatem meritis, non merita dignitati. Liganda erant tænijs Capita, quæ pro DEO, Fide, & Ecclesia laborabant, meritorum pondus Pontificijs fulciendum Scipionibus, Coronandi Tyaris Vertices, qui in usum Patriæ & Sanctuariorum DEI omnes conatus impendebant. Quodsi mecum in animo considero, Magnorum Pontificum flagrans ad omnia Pietatis opera studium, si sollicitam Christianæ institutionis curam, si effusam in egentes ac miseros benignitatem, intensum animarum non suæ Fortunæ lucrum, propter hanc rerum magnitudinem, non frustra TARŁONIBUS favere Numina asserere teneor, ac in Laudibus eorum deficio. Sed veniunt Trabeati Patres Palatinis gravidi Curulibus JLLUSTRISSIMI SANDOMIRIENSES LUBLINENSES SMOLENSCENSIS PALATINI, qui languentes vitalis Svadæ spiritus, licet exanimis, excitant. Ita illi vixerunt, ut speculum vitæ lucidissimum dici mereantur, ita ad Decus TARŁOVIANI Nominis rubuerunt Purpurâ, ut nihil post se Nepotibus erubescendum relinquerent, ita occuparunt Curules, ut stare pro Patria docerent; ut Sol, cum primò rubet, Ortum innubi & æstivo illustrarunt Patriam, ut nulla in illis ab æmula invidia caligo notaretur. Asciiati Patres, Poloniæ tenuerunt secures, quibus securitatem Reipublicæ providerent, tenuerunt Fasces, ex quibus Domus TARŁOVIANA immorituræ gloriæ, Patria perennaturi Honoris opimam legit messem. Attollunt adhuc satis ex se Domus Tuæ sublimem gloriam ILLUSTRISSE CAPITANEE post Palatinatus, in tot TARŁONIBUS relucetia CASTELLANORUM subsellia, dilexit eos Patria, sed illi Patriam plus quam se, cum non sibi, sed toti Polono genitos se crederent Orbi. Non dehonestarunt Curules, sed auxerunt  
Majesta-



Majestatem, nec ita illis innixi, ut quoties negotium patriæ instans evocaret, gravarentur. Non opus erat scævolis, qui à belli ardore manum non abstraxissent, neq; Decijs, qui pro patria victimare Capita fatis recusassent. Illorum erat stillicone veriùs gloriari: *Pro Patria pars nulla mei subducta procellæ turbatamq; ratam certaq; levavi, naufragium commune manu.* Etsi necdum fatiatus animus, ad plures cognoscendos TARLONES acuit appetitum, ad PRÆFECTOS CULINÆ, Incisores, Pincernas Regni, Magniq; Ducatûs Lithvaniæ se conferat, si Patria, Majestas, Religio, in illis sapuit, nemo erit cui desipiant. Patent & Iudicarij Arcopagi, tantisq; Assertoribus justitiæ commendantur CAPITANEIS, ut præsens sæculum vix Pares audiat. Illis Iudicibus, non licuit bono esse miserum, nec malo felicem. Evocant in aciem paginæ, tremulum Panegyristæ Calamum, proq; sui Honore TARLONES Vexilliferi, styli acumine dimicare urgent, quibus palmam cecidisse, palmare ducitur, ne tamen eo ipso succumbere videatur, infractos labore Vexilliferos dicere satis ducit: *Premittitur nec signifer ullo, pondere, festinant ab eo Vexilla moveri.* Solem deficere in Lumine, ab Oceano abesse aquas quis asseret? idem esto iudicium de TARLOVIANA DOMO, Hæredes sunt Honorum, Domini Dignitatum, Ministeriorum Regni, & Curulium perennes Possessores. Demittit Eminentia Senatoria Majestatem, reverentiâ Numinum, Zelô fidei, studiô Virtutum, charitate proximi, commiseratione egentis, compassione depressi, solatiô afflicti, amore Patriæ, commodô Reipublicæ, utilitate Libertatis, fidelitate Regibus consentanea, consiliô Senatum decente, è Cælorum Regia tanta comitatus Caterva pridem ad Superos evocatus **ILLUSTRISSIMUS JOANNES TARLO PALATINUS SANDOMIRIENSIS** Proavus Tuus Mæcenæ gratiosissime, dolendus Senator non eò, quod desierit vivere; mortalem enim scimus, & commune omnibus fatum credimus, sed quod tam cito abierit, pupillamq; charam Matrem, non degener reliquerit, Filius, dolendus! *justa e-*



nim doloris ratio separari ab amante, amittere dilectum,  
privari necessario, illoq; destitui, cui tota curarum Pala-  
tinatus, Regniq; innixa machina firma hæsit. Infert dico  
Eminentiam Majestatis, ut in se superum referat favores,  
& quod nisi nolentem non præmientur, referat TAR-  
LONES ab ævo fuisse & in ævum duraturos, sine inter-  
ruptione futuros Honorios. Idem genere, non dissimilis  
virtute, æqualis merito, ingens famâ, non minor Hono-  
re: Gemma arcanorum conscia, Coronati Capitis mens,  
Os & Cor Regis, auxit Coronæ splendorem; gemmeo  
Eloquio stupere fecit Senatum; Jupiter perorans, signa-  
vit perennitati Privilegia TARLONIBUS conferenda,  
totam Poloniam Magnumq; Ducatum Lithvaniæ, imo  
Regna admiratione suspendit, veriùs, à latere Orator,  
quam à Throno, JLLUSTRISSIMUS CAROLVS TAR-  
LO Cancellarius Regni Avus Tuus. Tractatæ dignis ma-  
nibus Magni Cancellarij insignes Cera, edulcorant Sva-  
dam, Annulus Regni gemmeam facit, à Ragibus tamen  
laudandus, qui pro Regibus loquebatur. Dicerent, CA-  
ROLUM CANCELLARIUM optimum Civem, non  
tantum ad salutem Caput pro Patria portasse, sed etiam  
ad vulnera, non annulo tantum digitos conformes exhi-  
buisse, verum & dextram ad ferrum paratam: non semper  
enim qui in Domibus Regum sunt mollibus vestiuntur,  
dum Mars bella intonat etiam Sagum induunt, non pro-  
spicere duntaxat, sed etiam cæco impetu in commune  
bonum ruere debet Polonus Pelopidas, licet cum priva-  
to dispendio, Humero manuq; tenere publicam integri-  
tatem, vicina Capiti moles est, & molestia. Inserunt se  
Coronæ TARLOVIANÆ Domus, plures gemmæ An-  
nuli Cancellarij, de eodem aviti generis emerisæ Oceano  
sed nostris ( ut Gygis ) fascinum imponunt oculis, ne fa-  
cile videantur, quam sint ingentes merito, probitate &  
dotibus. Ita est JLLUSTRISSIME CAPITANEE, De-  
cora Domus Tuæ: *Celsa tenent summi oq; feruntur cardine;  
nec radios humili statione recondunt.* Floruere sub Violis,  
rubuere sub Rosis, Illustrarunt Sagum & Togam: Notan-  
tur



tur gradibus, prensant Fastigia dextris. Parens præstan-  
tissimi Poloniæ unionis, (Libertatem intelligo.) & simul  
incomparabilis Orbis thesauri, Tui inquam Mæcenas gra-  
tiosissime, appretiandus Cælo Genitor Tuus JLLU-  
STRISSIMUS ADAMUS TARLO PALATINUS LU-  
BLINENSIS partum ingenij exigit. Parentem unionis au-  
sus creare Elogiastes non immerito, excessit ille Civili  
Catonem svada, forti Brutum zelo, intrepide pro Liber-  
tate, libere pro Patria, & dixit, & egit. Non jam ramum  
Delphicum, sed arborem scientiæ coluit, ut Laureatus  
ubiq; processisset. Dij boni! quot in Senatu veluti in Pa-  
radiso implantavit oracula, quot vitiosos è Patria, solli-  
cito consiliorum labore eradicavit surculos; quot inuti-  
les è Palatinatu Regnoq; discordis unionis eliminavit plan-  
tas, quot Asciatus Pater, steriles præcidit arbores, fructi-  
feras Pacis oleas procreando, bonus ADAM. Prudentem  
Senatorem, audivere omnes ut oraculum, stupuere ut  
miraculum, faciles & propensi ad utrumq;. Meruit amo-  
rem Regum, à Patria gratitudinem, à Senatu reverenti-  
am, ab ordinibus Cultum, communem ab omnibus asti-  
mationem, legum Assertor non Prævaricator. Et sic sa-  
tur Honoris, cui pro radice posuit Virtutem quâ in vo-  
ta sua flexisset superos, demum Honorem qui reverâ ex  
merito illi venit; sic plenus meritorum, onustus bonis  
operibus & diebus, Nomen terris affine, & facta Cælis  
cognata, simul in Paradisum assumpsit vitæ, pro gloria  
Illustriissimæ stirpis suæ, providus, Paradisi terrestri Cul-  
tor, potiozem Æneæ ramo, Xerxis platano, Dijs veris  
sacram, immortalitate meritorum commendatam, fructu  
eminentem, Virtute excellam, dignitate summam, Lau-  
ros & Oleas progerminantem stabilivit arborem, Tanto  
Genitore dignam Prolem. Vitam debes JLLUSTRIS-  
SIME CAPITANEE, Genitrici Tuæ DOROTHEÆ de  
BORKOWSCIIS, qua Nomine, qua Virtute, qua Ho-  
nore, qua merito, qua magnæ stirpis origine JLLU-  
STRISSIMÆ, sed simul & virtutem. Prius Tibi illam  
Maternò subministravit lacte, ut illa commendatus, virtu-



tis Lactantius dicereris. Quodsi de Avia Tua. Pro-  
aviaq; de Majoribusq; Polonarum Augustarum divisim  
dicere tentaremus, nullum finem dictioni ponere veniret.  
Præscindit jam funesto hucusq; immoratum operi & di-  
spositum ad deliciosam Nuptialis pompæ structuram evo-  
cat Encomiastam, nisi hostibus fatalis JLLUSTRISSI-  
MÆ Domus Ascia, illi lugubre terminando feretrum,  
qui mortibus vivere studet, seu emendare jubet errorem,  
Lectissimos Antecessores suos recessisse tantum, non vi-  
vere desisse, evincendo. Et revera: non extinguitur lux  
Virtutis atrore vitij, sol, densiore spissarum nubium ob-  
fidetur colluvie, & eo vibrantiore per nebulas jaculatur  
radio, eripit procellæ Caput, & in ipso nubium percussa-  
rum opaco triumphalem sibi erigit arcum. Multi vix esse  
in Mundo desinunt illico & vivere. TARLONIBUS,  
Tritavis, Atavis, Avisq; Tuis JLLUSTRISIME CAPI-  
TANEE, ac Dilecto Genitori & sua superasse fata, & si  
si superesse datum. Phænices quidam sunt JLLUSTRIS-  
SIMORUM Prædecessorum generosæ mentes; eodem se-  
pulchro tumbam & cunas ad novam famæ vitam infe-  
runt. Resonate jubila, sonori aurem mulcete concentus,  
dulcisonæ Hymæneum animate voces; vocales DOMUM  
Fortunæ & Honoris JLLUSTRISSIMI CAROLI & JO-  
SEPHÆ replete symphonix. TARLONES etiam post  
funera vivunt. Vivunt in Te & per Te anima Poloniae,  
Mæcenas Gratosissime. Nomen enim quod à Magnis Præ-  
decessoribus accepisti, majus reddis, & jam decoribus vi-  
tæ accumulas, immortalitate factorum eminentius, meri-  
tis in Patriam auctius; ut res in controversum veniat, plus  
ne Tu illis an illi Tibi dederint. Præclarum est lucem  
compensare majori luce? compensas, aurum reddere, au-  
ro? reddis, ipsam nascendi Fortunam ditare, ditas. Anti-  
pater Tibimet es, Te ipsum procreando Famæ, Phænix,  
Tibi ipse Pater & Filius. Dolenda plerumq; in Filijs &  
Nepotibus Conditio, Illustres Majorum. Ceras tetra vi-  
tiorum infumant caligine, Patritio rubent sanguine sed si-  
mul vitam erubescunt dissimilem; resuscitant Patrum ca-  
davera,



davera, sed suis non animantur operibus, nec vita Regni  
dici merentur. Diversum de Te JLLUSTRISIME CA-  
PITANEE credimus, quia videmus. Majores Tui Soles  
erant, Tu dies. Illi Gemmae, Tu decor & pretium gem-  
marum. Ideo à Majoribus claritatem accepisti, ut eandem  
refunderes, & Polono Orbi communicares. Hinc quid-  
quid dicitur de illis, Tuum est: quis enim lucem diviserit  
à Sole; & quidquid de Te proprium est Prædecessorum:  
*In Te vivit avus, propria Virtute Togatos præsentas Patru-  
os Patremq; Mavorte Sagato vivere post mortem, Tu Hære-  
dibus exprimis actus, concentrando in Te Patriæ compendia  
famæ, Tu Columnen, Tu grande Decus Tutelaq; Regni.* Quot-  
quot veneramur TARLONES, vel anima fuerunt, vel  
sunt Regnorum. Primus est ex Superstitibus JLLU-  
STRISIMUS JOANNES TARLO PALATINUS  
SANDOMIRIENSIS Patruus Tuus, non Curuli tantum  
quâ eminebat & eminet, sed Solio Regni elevandus. Di-  
lectionem, quâ Superi prosequuntur JOANNEM non in  
se tantum reflectit, cum Patriam plusquam se diligit A-  
môr Civium. Tota se gratiarum plenitudine exhaustit Cæ-  
lum, nihil, & quod ad bona Corporis prætenditur, & quod  
ad bona animi requiritur, & quod ad esse rei substantiale  
attinet abstrahendo; imò quæ alios divisa beatos effici-  
unt collecta tenere datum JOANNI, ita, ut dotum quæ-  
cunq; æstimari assolent Promptuarium habeatur. Numina  
JOANNI Nostro propitia, nec JOANNES à Numi-  
num reverentia, cultu, Religione, Zelo alienus. Nihil  
non sanctum, nihil non Religiosum, nihil non devotum,  
nihil non justum, nihil deniq; non decorum in tot Regni  
Celeberrimis Ministerijs & Publicis Judiciorum Areopa-  
gis molitus, ut pro Ara Honoris; Aram gloriæ ex se &  
in se Numinibus fabricaret, obligatus. Redit iterum à  
quo deflexit Panegyris, redit ad Protectorem suum obli-  
gatissima Religio, seu pars minima Religionis, totum Rei-  
publicæ adæquatissimum, saltem in Parte convenientis lau-  
dis attingendo, animam Regni Palatinum SANDOMI-  
RIENSEM dixi? Ita est, anima, æquè toto in tota ac in

E

parte,



parte, æquè in parte: ac in toto animat. JOANNES  
TARLO æquè Sandomiriensi Palatinatui ac Regno, æquè  
Regno ac Palatinatui; Civibus ac Regibus, Regibus ac  
Ordinibus vitam inspirat. Multis propria, JOANNI  
PALATINO, Patriæ vita, suâ charior. Absente anima,  
Cadaver putridum, non corpus videtur animatum. Sub-  
trahat PALATINUS Consilium, Polonia quid? nisi Cor-  
pus Monstruosum. Desinat in suo jactari Latium Catone;  
PALATINUS plura opera Reipublicæ immolat integri-  
tati. Præbet Cor Patriæ, quod illa dedit, reddit vitam  
quam concessit, ne ab arboribus vincatur, quæ umbram  
illi terræ præbent, à qua emerferunt. A suo Palatino, à  
Nostro Protectore Gratosissimo habent suas gemmas  
Coronæ, præsidium Fasces, Oracula uterq; Senatus, Pa-  
tronatum Libertas. Quoties seipso Polonus Alcides gran-  
dia subministrat fulcra, non habet Respublica quo cade-  
re possit, quoties conseruit enssem, induit panopliam ut  
se ruenti in nostrum exitium hosti opponeret: *nil ille pati  
nullumq; recusat discrimen tentare sui, non dura viarum,  
non incerta Maris.* Coarctamus magnitudinem rectege-  
storum Tuorum pro Patria & in Patria Protector Faventi-  
ssime, sed terminum laudis non ponimus; imò infinita  
merita, his Paginis, non posse comprehendere, toti, qua  
latepatet Orbi præsentamus, Etiam incapacitatem in di-  
gnè celebrandis fateri non erubescimus; quod singula, &  
omnia, Tui, vix complectamur elogia: *per Te namq; u-  
num medijs exuta tenebris, imperio, sua forma redit, clau-  
strisq; solutæ tristibus exangues audent procedere leges.* Le-  
gitimum est ILLUSTRISSE PALATINE, ut dent  
Tibi Dii illam ætatem, quam mereris; servent animum  
ad maxima natum, quem dederunt. Hæc summa voto-  
rum; ament Te Superi, ut Tu Nos, & nunquam à Tuo  
recedant nutu. Eadem planè publica meritorum via;  
Augustam Fortunæ & Honoris Domum, ingreditur IL-  
LUSTRISSIMUS ADAMUS TARLO Palatinus Lubli-  
nensis, & statim gloriæ suæ comitem, pij Instituti habet  
Svadam. Ad magna natus, brevi adæquavit, quæ tantum  
dece-



decerent Senatorem. Docuit Honorem obsequi TAR-  
LONIBUS, ultroque se illis debere offerre Purpuram  
supplicem. In initijs vitæ, quæ Orbis de TARLONE  
Palatino formavit omina, illa brevi effectuada vidit, &  
adorat. Probavit TARLONUM Indolem, etiam mino-  
rennem, summos excedere Viros. Probavit, maturam  
Virtutem, & juvenes canos facere. Præmisit JLLU-  
STRISSIMUS PALATINUS, & Virtutem, & cum vir-  
tute labores; ut sic rectefactis Comitem virtutis spectaret  
Honorem, Senatoriamq; sibi dignam, TARLONIBUS  
Hæreditariam possideret Curulim. Ivit tamen prius, per  
strepitum meritorum, ad Tribunal Regni Radomienſe;  
& statim decreto votorum unanimiq; consensu victus,  
Scipione Mareschalcali fultus ADAM, vacillantem Iusti-  
tiam assumpsit restaurandam. Planxerunt crimina, inge-  
muerunt scelera, contristati fontes, sed lætum sonuit cla-  
more Tribunal, *Te fastos ineunte, quater solennia lufit o-  
mina Libertas, deductumq; vindice morem lex celebrat.* Plu-  
ra se offerunt de JLLUSTRISSIMO PALATINO, Pu-  
blico Eloquio celebranda, sed cùm plerumq; Tacitum  
agere juvat, Claudianus loquatur: Quâ dignum *Te laude  
feram; qui penè ruenti, lapsuroq; Tuos humeros objecerat  
Orbi.* Quid restat? Origines Celsissimæ TARLONUM  
Domus; maximum inter minora Sidus, in Polono sine Ec-  
clypsi Zodiaco, inter duodecem Palatinos lucere suspe-  
ximus: de Principe STARZONUM Purpura, ortum vi-  
dimus; tot Comites associati, Hæroes, bellô celeberrim-  
os; jam conscriptos Patres Eminentissimos, Viros To-  
gatos Lectissimos, sanctosq; adoravimus Præsules; nullum  
sine Honore, de TARLONIBUS, officiô excepimus Ca-  
lami; Adhuc adhuc convenientissima ad Majestatem u-  
triusq; stirpis, CAROLI, & JOSEPHÆ; ad lætitiæ exu-  
berantiam, ad Regium Hymænei apparatus, præsto sit  
neceſſe Pompa, quam Paludata ab Othone & Iagielloni-  
bus, Purpurata, in TARLONIBUS, Celsissimorum de  
OSTROG Ducum, CZARTORYSCIORUM, WISNIO-  
WIECCIORUM, ZBARAWSCIORUM, extendunt Nomi-



na. Trabeata in *JLLVSTRISSIMIS*, iam in Su-  
premo Mareschalco Regni infracto Patriæ Scipione  
*JOSEPHO MNISZECH*, ex Matertera Tua Cognato, jam  
in Palatino Kijoviæ Magnoq; Duce Exercitus *JOSEPHO*  
*POTOCKI*, strenuo Libertatis Defensore, peramante So-  
rorino, jam in *WIELOPOLSCIIS* proxime Tibi affinibus,  
jam in *LUBOMIRSCIIS*, *LESZCZYNIIS*, *JABLONOVI-*  
*IS*, *SIENIAVIIS*, *ŁASZCZOVIIS*, *HOMENTOWSCIIS*,  
*TARNOWSCIIS*, *CETNEROVIIS*, *OPALINSKIIS*, *LAN-*  
*CKORONSKIIS*, *PRZYEMSKIIS*, *PRAZMOWSKIIS*,  
*KONARSKIIS*, & auget Dignitas, Tuisq; *JLLVSTRISSIME*  
*NEOSPONSE* præludit Hilarijs; adeò; ut totus Scholasti-  
corum Numinum tremefactus Senatus, *TARŁONES*,  
nisi Purpuratos Patres, & Domum totam, nisi Senatum,  
de genu adoret. Adorat in Te & Te simul *JLLVSTRIS-*  
*SIME CAPITANEE*, adorat Regulam morum, specu-  
lum Prudentiæ, exemplar Virtutis, Canonem Pietatis,  
Universitatem Sapientiæ. Dum leges videt, Te Codicem  
suum indigitant, dum orphanos solatur, Te Patrem se  
habere dicunt, dum pupillos dolet, Te clamant Nutri-  
tium. Innocentia Te Custode ruta. Sacra Themis suo  
Iudici, sancto, iusto, incorrupto, æternum obligata. Plura  
sunt; imò infinita *JLLVSTRISSIME CAPITANEE*,  
quibus Numina sibi propitia efficis, Patriam coronas &  
Reges, Duces & Regna mirari facis: omnium ora, & ocu-  
los, in Te convertis, addis lucem non adimis *DOMUI*  
*ILLVSTRISSIMÆ*. Benedixit Dominus Coronæ anno-  
rum Tuorum, non vile laborum obsequium & virtutis  
studium, illo rependit munere, quod omnibus acceptatissi-  
mum. Maturescit pusio Svada, ad infantiles vitæ Tuæ  
Cunas, dum ludicras imagines, perlucida cristalla, specio-  
sa fulgetra, domesticos demum pulveres conculcatos, &  
procul amotos; soli tantum decumanæ virtuti, mentis  
puritati adhæsisse, Palladis sitisse arenam, Phæbi fulgo-  
rem exoptasse, contemplatur. Iactabundè quondam fi-  
gmentum Pòetæ plaussit Tullo & Alcidæ natis, ac si ad  
unius ortum, rutilassent tempora flammis; alter adhuc  
cinctus



cinctus fascijs, jam proprio nocivos, tollere Marte Ceras-  
tas, valeat. In Te ILLUSTRISIME CAPITANEE,  
verè Orbis suspexit; vix es genitus: *pavidi gemuere Gelo-  
nes, nascentisq; die, subrisit lumine Cælum innubi, radios  
in totum clarius Orbem, ignivomis vectus profudit Apolla  
quadrigis, præscia venturis spatijs Hæroa futurum Numina  
suspexere.*

In ortu parentis Luminum, indubitatum, serenio-  
ris diei affulget omen, in vitæ initijs, qualis quantusq;  
futurus eras, optima boni Genitores Orbisq; integer for-  
mavit præsagia, nec spem in herba posuere. Docuisti bre-  
vi ILLUSTRISIME CAPITANEE, etiam imberbes  
Apollines, extra fabulam depromere oracula, & infantes  
platonēs, mella fundere Consiliorum. Commendari pro-  
ceritate corporis, venustate formæ, Elegantiâ animi, Gy-  
gantea artuum agilitate; futile ac puerile æstimasti, illam  
ratus extensionem, annorum Nobilissimam, quæ virtute  
mensuratur, illam longitudinem Vitæ gloriosam, quâ vir-  
tus non minor, mens gerendis Curis ante annos virilis,  
par galeæ ferendæ Caput, necdum ætate firmum, animus  
omni hoste major. Capisse benè plurium est, desijisse  
multorum; nec ungue recessisse à cæptis, selectorum.  
Eandem ubiq; virtutis normam, probitatis idæam, exem-  
plaritatis regulam, opere docuisti; quam Tibi vel natura  
instillavit, vel pronus ad honestum animus præcepit, vel  
Majorum præcepta porrexere. Vellet Te iterum, ado-  
rare, Caput Orbis Roma, omnemq; in Te reflectere Co-  
gitatum; quam gravitate morum in sui converteras ap-  
prehensionem. Ad vultus Tui amænitate florentiori  
facie Galliæ eminerent lilia, si iterum, odore Virtutis  
Tuz, quem spiras hucusq; replerentur. Flagrant deside-  
rio Te videndi Gentes, quia Te brevi morantem, exem-  
plò capere non poterant, ipsaq; laudabant taciturnitate.  
Vocalis per Orbem Hæroum virtus, non segnem ad bella  
probat in Te animum ILLUSTRISIME CAPITANEE,  
belloq; Togaq; Maxime. Non extinguīs intensum bel-  
landi ardorem; quem in infantilibus excitasti artubus.

F

Hercu-



Hercules, contra infestam monstrosis partibus Lernam  
adolefcit, Paternumq; ei Iupiter cum sanguine infudit  
robur. Aperuit Romæ voraginem terra, sed statim &  
Curtio, tam grande Cor excrevit, ut hiatum illum &  
fauces voraces Lethi obturaret, publicamq; lætitiæ affli-  
ctæ Urbi efficeret. Quot Orbis Partes tot hostes Polonia  
excipit, non tamen pupilla viris, qui virus & pestem phar-  
maco Gradivi nesciant medicari. Ducem Te Clypeatæ co-  
hortis, Sacra Regia creavit Majestas, & funera hostibus  
paras. Voluit Generalem esse Majorem, & exterorum fe-  
rocientes reprimis conatus. Non jubes ire Comites: &  
causam dicere ferro, sed primus intrepida virtute prævi-  
sti & animo. Alij multa docent, Tu plura fecisti. Impe-  
rant, Tibi ipsæ parent victoriæ. Vicisti corda omnium,  
& singulorum; ut non modo jubeas, sed nutu velis, præ-  
sto: manus omnis in armis. Assuetam ferro manum,  
quam metendis hostium admovisti Capitibus, etiam Ma-  
reschalcali Scipioni aptam evicisti. Exultavit Radomien-  
sis Astræa, ac, optimè consultum à Superis esse decrevit,  
ut Te Iudice crimina plecterentur.

Quantum ILLVSTRISIME CAPITANEE in-  
tensi addidisti sudoris, ut pridem exul Iustitia & veritas  
superis innatæ virtutes, iterum remeantes, omni securi-  
tate providisses. Cælum, Polonam Themidem formasti,  
nullo tamen erratico infame Sidere; pupilla egestas Te  
Iudice, ac Patre simul dives; quod perditas Fortunæ suæ  
cum gaudio invenit drachmas. Non licuit Te Arbitro in-  
demnem à pænis exultare malitiam, non licuit absq; in-  
cusso rubore Purpuratis quoq; grassari excessibus. Nam,  
ubi ad iuris ventum regulam, nulla admittebatur appen-  
dix, quæ in mitius detorqueret: nulla exceptio quæ sen-  
tentia latæ subtraheret. Interea, nemo cum hostili animo  
forô excessit, quia nemo damnatus; quin prius ab ultrice  
conscientia decretum ferret. Felix nunc suo Stężycense  
Decretorium CAPITANEO, tenaciter pro Iustitiæ pal-  
ma decertante: ex qua ut proportionalem umbram, &  
fructus favissimos capit innocentia, ita lictoritias virgas,  
&



& amarum corticem, piacula decerpunt. Veram Indicis  
& Iudicis efficis Paronomasiam; ut enim, mobilis in hora-  
rijs Authomatibus stylus, ad quodlibet signum, æquali  
defertur intervallo, ita singulis Iustitiam sitientibus, Te  
dividis, æquitati tantummodò addictus non dignitati.  
Non frustra ita Solonem, ita Aristidem, ita Lycurgum, ut  
simul CAPITANEVM Stezyensem, Publicæ repetitis  
exoptant Curiaë desiderijs. Pluries se Tibi ILLUSTRIS-  
SIME CAPITANEE gerendi offerebant ejusmodi Scipi-  
ones, ni illi à longè restitisses. Et licet, nec minimas li-  
cito ambitu concipis scintillas, flagrantissimo tamen Tui  
desiderio, Honor æstuat. Permite de Te communibus  
votis palmam, & Ducales Tibi militabunt Clavæ, Amo-  
ve tantisper umbras Modestiaë, & Senatorio inclaresces  
ostro. Illibato mentis candori, omnis speciei murices  
commendantur. Splendores TARLOVIANO Nomini  
affines, sub humilitatis velo latentes, revolve, & Cancel-  
lariæ adherebunt Ceraë. Sed sentio, ILLUSTRIS-  
SIME CAPITANEE persuasum Te esse de Honoris rectitudi-  
ne, illumq; Tibi quoties volueris obsequi debere; & Nu-  
minum favore, & meritorum dominatù imperante. Non  
Te continua torquet cogitatio, non cruciat desiderium,  
non mens angit, non spiritus inducit, non studium mo-  
lestât; ad profani appetitum Honoris: quin prius Nu-  
minibus Honorem de more Tuo perficias, & ex integro  
efficias Tibi obligata. Asciate Pater, Levatò ad funditus  
extirpandam Superstitionis Sylvam Domûs Insigni, Dijs  
colendis Pantheon erigis; Campos Fidei in planitiem ex  
æquare, Zelus pro Dijs est. Fulgor Vestri ferri, profa-  
nos extinguens ignes, merities Honoris Cælis accensus  
est. Prostrernere dicta malorum, fugare falsa, vanaq; scri-  
pta secare, superum est tueri integritatem. Templum Ho-  
noris, Deo dicatum ILLUSTRIS-  
SIME CAPITANEE  
coleris, tot aris, quot virtutibus distinctum. In ipsa facie  
primam erigis aram veræ dilectionis DEI, alteram proxi-  
mi; nunquam expectando preces egentis, sed ubi necessi-  
tas exigit, etiam ante preces prævolando. Habet pri-



num à latere pietas locuta, quasi Spiritu totus composi-  
tus menti tantum vivis & animo. Opponit se, opposi-  
tione contraria, Excelsæ stirpi, Maximis Honoribus, in-  
fima Humilitas; ut quo altior sis Nomine, genere, meri-  
tis, dignitate, eo major demissione. Etiam descendis ad  
minimos, nullum tamen Magnitudini dispendium facis:  
sic gemma penes pumicem, Sol penes stellas, Rosa inter  
herbas pretium habet non amittit. Rarus est cui dura non  
effringant animum. Tu Adamas in adversis. Asymbolam  
Syderis maximi tenes mentem, quod etiam tunc luce non  
destituitur cum nubium inficit horror. Sociatur tam in-  
genti, non minor Constantiæ Ara, sive Fortuna insani-  
at, sive res ad vota fluant animus semper invariabilis.  
Compendiamus ad unum innumeras virtutes Elogium.  
Si enim singulas ad exiguam vocaremus paginam nulla  
adæquato & proportionato coronaretur voto. Ulro se  
enim una alteri ingerit; & hæc laudanda, & illa adoran-  
dā; imò omnes simul celebrandæ veniunt, cum conti-  
nuatum omnium perficias exercitium; vel ideo; ut inces-  
santer in Te honoretur DEUS; ut facilius Tuis votis Nu-  
mina ad favores provocentur indulgentes. Ingentiā ve-  
rum sunt DEI dona, & meritis hominum celsiora, demittunt  
se tamen, & ad suos defleunt exoratores. Initio planè  
Originis cum sæculis capto commendari, ingens Deo-  
rum Donum est. Celsissimos Honorum jactare Titulos  
immensus Superum favor. Iam Regum jam Ducum, jam  
Principum, Cognatas jure hæreditario inhabitare Regias  
Regis æterni & Principis dominantium respectus est. For-  
tunæ lactari ab ubere, Numinum Providentia Forma com-  
posita, venustior facies, sanctioris Adonidis labor est.  
Salomones scientiā, Consiliō Catones, facundiā oris adæ-  
quarè Tullios; Æternæ Sapientiæ opus quis non asserat?  
Et licet munifica DEI manus, nonnulla cunctis contulit,  
in Te JLLUSTRISSE CAPITANEE, multa effor-  
mavit, plura tamen contribuere non cessat. Eviscerantur  
Numina in dona, ut Honor in honorante clarius elucescat.

JLLU-



JLLUSTRISSIMA JOSEPHA GRABINSKA  
CASTELLANIS SANOCENSIS. Tibi hodie in Spon-  
sam sociata vitæ, singulare Deorum donum est. JOSE-  
PHAM intueris, Fortunam adora. Omnia Tibi pariter  
bona veniunt cum eadem, vel ex ipsa notatione Nominis  
comprehende. Incrementum beatæ fortis & prosperitatis  
in Domum Fortunæ introducis. Sponsam & Nutritiam  
simul, vitæ suæ recipis accuratam. Donum Deorum est.  
Originem ortûs indagas? Patre JLLUSTRISSIMO JO-  
SEPHO de GUMOWSKIE GRABINSKI CASTEL-  
LANO SANOCENSI: Illo Patre, cujus vita norma vi-  
vendi, probitas regula morum. Illo Patre, qui amor amo-  
rum, virtutum summa, recti compendium, dici mere-  
tur. Illo Patre, quem Reges amant, Senatus virum & Se-  
natorem, maturæ gravitatis, & authoritatis colit, Nobi-  
litas Territorij SANOCENSIS Primicerium adorat; Il-  
lo inquam, qui facem prætulit Consilij, Nuntius terra-  
rum & Officialis antequam CASTELLANUS. Non vi-  
xit mendicatis ab aliorum partu ingenij suffragijs; ad Cu-  
riales Legationes Orator & Legatus. Ut Libertatem in  
suis immunitatibus stabiliat, Patriam ab ingruentibus de-  
fendat malis, non eger auxilio Consiliorum, Senator. non  
vult, ad Legum vigilias excitari, probatus earundem Cu-  
stos & Assertor. Matre de BALOVIS WOLSKA CA-  
STELLANIDE PREMISLIENSI, nunc, CASTELLA-  
NA SANOCENSI Pia Monica, utroq; optimo Genito-  
re nata Pulcheria, Parentibus Filia, Tibi Sponsa & Honor  
Castellanis: nam ex utraq; Domo honorata. Donum Deo-  
rum & favor est. Insignia JLLUSRRISSIMÆ DOMUS  
prætendis? GRABINSCIORUM POMIAN est, ast nun-  
quam in mutatione suspectum Decus. Prima hæc Cælo-  
rum instinctu commutatio. JLLUSTRISSIMI Genitores  
Tibi Filiam in Sponsam cedunt, Te in Filium adoptant.  
WOLSCIORUM NOWINA, vetus tamen de hac Do-  
mo rumor: *Clara satis Domus hæc Nobilitate sua est.* GRA-  
BINSCIORUM POMIAN Caput est, imò Caput Capi-  
tum & super capita. Dum pro Patria sudat, in Oceanum

G

transit,



transit, æquè Consilia ac uniones pariendo, quibus pretiosior Patria æstimatur. Verè Caput aurum optimùm; Adde pretium JLLUSTRISIME NEOSPONSE, de hoc Capite, Divinam Palladem, adoras JOSEPHAM. Quid sit actum jam optimè novit WOLSCIORUM auris, Orbis necesse specialem audiat rumorem, CAROLO JOSEPHAM, TARLONI GRABINSIAM, CAPITANEO CASTELLANIDEM, venustiori Paridi, comptam nupsisse Dianam, & Genere, & Familiâ, & vitâ, & moribus, non dissimilem. PATRE JOSEPHO, MATRE THERESSIA; hic ut bonus Senecio, nisi DEUM, nisi virtutem, nisi probitatem, intaminato vitæ tractu ducens, eandem, institutione, exemplô, monitis nunquam, in JOSEPHIANAM transsubstantiavit normam. MATER THERESSIA tota Seraphica, mente Cælos, corpore terras inhabitans, devotam, & Sanctam, educavit Filiam; omnisq; virtutis ardorem, materno non extinxit lacte; imò instillavit, ut ad mentis suæ Ideam JOSEPHAM, Te CAROLUM reflexissent. Arbor bona bonos generat fructus, Oceanus nisi gemmas parit, Tagum fundit Hydaspes. Mentis intuitum, in sui appretiationem evocat JLLUSTRIS ADALBERTUS GRABINSKI CASTELLANIDES SANOCENSIS, dilectæ Consortis Tuæ, Frater Germanus, Patrum Corona, Genitorum Solatium, GRABINSIANÆ DOMUS Unio, Vestræ JLLUSTRISIMI NEOSPONSI Gemma Coronæ, annuli Sponsalitij Adamas, pectoris monile, Scholarum Piarum Ressoviensium Thesaurus. Minorennis annis, & jam maturus moribus. Odit infantem virtutem, quæ dextra manu duci debeat ad gloriam. Adolescit ad magna animus, & non indiget puerilibus ad bonum illicijs excitariis. Novit silicem à Pyrope, paludem à fonte, carduos à violis, frustra ventustatem petere, ni suam habeant. Ne tantùm majorum inclarescat factis, grandia Patrum vestigia premit, brevi in omni adequaturus probitate; utinam cum annis, & honore, præter Publicum & Patrum solatium pro Pij Commendatione Instituti. Donum Deorum est JOSEPHA Consors. In Clarissimo



**Imo OSSOLINSCIORUM** Nomine satis evidens, in No-  
 bilissimo **GUMOWSCIORUM** Genere patens; hæc *Avia* il-  
 la *Proavia* contemplanda. Nunc *Avus* **ILLUSTRISSIMUS**  
**JOANNES ANTONIUS GRABINSKI** Dapifer **ZAKRO-**  
**CZYMENSIS** Gratia, & miraculum, Regibus amicus. Ci-  
 vibus charus, *Poloni Orbis* amor, **DOMUS GRABIN-**  
**SCIANÆ** Decor adorandus. Comite nexu ad indivisam  
 gloriæ auxesim affulgent sydera **ILLUSTRISSIMUS SI-**  
**MON WOLSKICASTELLANUS PREMYSLIENSIS**, tum  
 lectissima **CATHARINA** de **BALOVII WOLSKA** *Avus* &  
*Avia* etiam de umbris sepulchralibus amicum sibi Lumen  
 Tibi favens **JOSEPHAM** commendantes. Extenditur  
 amplius illimitatum Cælorum donum & per **BALOVIOS,**  
**CHODOROWSCIOS, MNISZCHOVIOS, KARSZNICCIOS,**  
**ROZVADOWSCIOS, DROIOWSCIOS, SKARBKOVIOS,**  
**KOSTKOVIOS, PROSTINSIOS, BIERECCIOS, RUME-**  
**ROVIOS, KOTOVIOS, SUFCZINSIOS, SMARZEWSKI-**  
**OS, SKRZYNSIOS, &c:** alios ut *Columina Regni, Patriæ*  
*Fundamentum* habitos; & non modo Legatos, Deputa-  
 tos, Ductores, sed & Senatores adoratos, alios ad eiusmodi  
 ministeria superum adhuc favore reservatos, ad præsens  
 in **ILLUSTRISSIMO BOREIKO** Deputato ad Tribunalia  
 Regni, Viro lectissimo, Patriæ decore, pro iustitia zelatore  
 favente; **GRABINSKIANÆ** Domui Colligatos, latius pa-  
 ret, Magno Coniugi non minorem cessisse sponsam. Pa-  
 rem illi, non tantum *Polonus* opponat *Orbis*, Athorus  
 erit ad montem, radius ad solem, umbra ad lucem, gutta  
 ad Mare inexhaustum. **JOSEPHA NEOSPONSA** in Luce  
 Hymænei, nil agit erubescendum, nisi *Purpuram, Virtu-*  
*tum*. Stipatam Famulatio si comitari placet? Reginam su-  
 spicari necesse. Coronata prudentiâ, paludata pudore, in  
 Toga humilis, in unione candorem, in auro puritatem,  
 in torque prudentiam, in annulis æternum ad cultum Deo-  
 rum fædus, bene ordinata componit Majestatem. **JOSE-**  
**PHA** inquam, tanto magnorum Nominum ac virtutum ex  
 utraq; propagine cincta comitatu, Hymænei redimita  
 Coronis, par obtinet Regum Connubijs, eò lætius, quod



ad omnem probitatis normam nacta sit Conjugem *TAR-  
LONEM ILLUSTRISSIMUM*.


Eja age *ILLUSTRIS-  
SIME NEOSPONSE*, triumphat Panegyris, ubi superum fa-  
vorem in Te adorat. Avitis decoribus, Gloriâ Familia-  
rum, mutua Prosapiarum Origine, non impar *JOSEPHA*  
in sponfam Tibi Cælitus cessit destinata. Eja age *MÆCE-  
NAS FAVENTISSIME* tot Numina, quot Lumina, Do-  
mum Honoris & Fortunæ, ad augendam Hymæneo Ma-  
jestatem, Astris splendidius irradiant, ita; ut etiam Ora-  
toria Lumina rutilent clariùs ad illorum intuitum. Et hæc  
est Domus Fortunæ & Honoris, quam nullis quati-  
endam insultibus, non fatorum teredine consumendam, non  
temporum vetustate minuendam; non adversæ fortunæ  
validis expugnandam arietibus, Vobis *ILLUSTRISSIMI  
NEOSPONSI* Artifex votum fabricavit. Hanc appara-  
tus ornat Regius, hanc Principum decorant Mytræ, hanc  
Senatorum implent Curules, hanc Ducum fulciunt Cla-  
væ, hic *ILLUSTRISSIMA* Prosapiarum Lustra, hic Divo-  
rum Aboriginum imagines, & tota facies Senatus. Ponit  
cardinem, Votis Vestris favens Ressorviensis Mercurius:  
extendant favores, augeant gratias, prolongent vitam bo-  
ni superi. *ILLUSTRISSIMI NEOSPONSI* uno concor-  
des vivite voto, quos decor & virtus, quos amor &  
ætas sociavit. *MÆCENAS GRATIOSISSIME* Dent  
Numina, inoffensum successibus omen, sintq; Trophæa  
Tuas semper comitata secures.













Biblioteka Jagiellońska



str0025457



